

Broj:11-253-7/17.  
Sarajevo, 04.04.2017.god.

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ br. 39/14) i člana 42. stav (2) alineja e) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 11-253-6/17 od 03.04.2017. godine, Direktor Kantonalne javne ustanove „Gerontološki centar“ Sarajevo, d o n o s i:

### ODLUKU o izboru ponuđača

1. Prihvata se Izvještaj o radu Komisije za javne nabavke i preporuka za dodjelu ugovora, broj: 11-253-6/17 od 03.04.2017. godine i ugovor za javnu nabavku i isporuku **sanitetskog vozila za sa potrebnom dodatnom opremom za potrebe** Kantonalne javne ustanove „Gerontološki centar“ Sarajevo, dodjeljuje se ponuđaču **„PORSCE BH“ d.o.o. Sarajevo, ul. Bulevar Meše Selimovića br. 16., Sarajevo**, Ponuda broj: 44315\_025960 od 22.03.2017. godine, **za ponuđenu cijenu od 43.882,97 KM bez PDV-a.**

2. Prijedlog ugovora o nabavci dostavit će se na potpis izabranom ponuđaču u roku od 10 dana, računajući od dana kada je ponuđač obaviješten o izboru.

3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.

4. Shodno članu 70. stav (6) Zakona o javnim nabavkama, ova Odluka će se objaviti na web stranici [www.gcs.com.ba](http://www.gcs.com.ba) istovremeno sa upućivanjem ponuđaču koji je učestvovao u postupku javne nabavke.

5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke.

### O b r a z l o ž e n j e:

Postupak javne nabavke **sanitetskog vozila sa potrebnom dodatnom opremom za potrebe** Kantonalne javne ustanove „Gerontološki centar“ Sarajevo pokrenut je Odlukom broj: 11-253/17 od 17.02.2017.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosi 50.000,00 KM.

Obavještenje o nabavci, broj: 897-7-1-20-3-4/17 o pokretanju konkurentskog zahtjeva za dostavu ponuda po predmetnoj nabavci objavljeno je na Portalu javnih nabavki dana 10.03.2017. godine.

Zahtjev za dostavu ponuda je upućen sljedećim ponuđačima:

1. „PORSCE BH“ d.o.o. Sarajevo, ul. Bulevar Meše Selimovića br. 16., Sarajevo,
2. „BUNJO“ d.o.o. Sarajevo, ul. Alipašina bb, Sarajevo,
3. „AC QUATRO“ d.o.o., ul. Put života, br. 1., Sarajevo

Na osnovu obavještenja o nabavci br: 897-7-1-20-3-4/17 od 10.03.2017. god., zahtjev za preuzimanje tenderske dokumentacije su podnijeli: „PORSCE BH“ d.o.o. Sarajevo, ul. Bulevar Meše Selimovića br. 16., Sarajevo,

„BUNJO“ d.o.o. Sarajevo, Alipašina bb, Sarajevo i „ACI“ d.o.o. Sarajevo, ul. Ferde Hauptmana br. 4 Sarajevo.

Komisija za javne nabavke je imenovana Rješenjem broj: 11-191/17 od 13.02.2017. godine.

Krajnji rok za dostavu ponuda je bio 27.03.2017. godine u 10:30. Istog dana u 11:30 sati je izvršeno javno otvaranje prispjelih ponuda na kojem je prisustvovao predstavnik ponuđača „PORSCE BH“ d.o.o. Sarajevo, ul. Bulevar Meše Selimovića br. 16, Sarajevo – Adis Džindo.

Otvaranju ponuda su prisustvovali i:

Direktor KJU „Gerontološki centar“ Sarajevo – Skoko Ismet.

Šef Unutrašnje službe zaštite KJU „Gerontološki centar“ Sarajevo – Čelik Dženis.

Na javnom otvaranju ponuda je sačinjen Zapisnik u kome je konstatovano da je za navedenu nabavku ponudu podnio samo jedan ponuđač:

1. „PORSCE BH“ d.o.o. Sarajevo, ul. Bulevar Meše Selimovića br. 16, Sarajevo.

Komisija za javne nabavke je dostavila dana 03.04.2017. godine Zapisnik o pregledu i ocjeni ponuda broj: 11-253-5/17 od 03.04.2017. godine i Izvještaj o radu Komisije za javne nabavke i preporuka za dodjelu ugovora, broj: 11-253-6/17 od 03.04.2017. godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1,
- da je blagovremeno zaprimljena 1 ponuda,
- da nema neblagovremeno zaprimljenih ponuda,
- da je pristigla ponuda ponuđača:
- „PORSCE BH“ d.o.o. Sarajevo, ul. Bulevar Meše Selimovića br. 16, Sarajevo,
- da je ista prihvatljiva.

Tenderskom dokumentacijom je u skladu sa članom 64. Zakona o javnim nabavkama kao kriterij za dodjelu ugovora utvrđen je kriterij „najniža cijena“.

R.b.	Ponuđač	Cijena ponude
1.	„PORSCE BH“ d.o.o. Sarajevo, ul. Bulevar Meše Selimovića br. 16, Sarajevo.	<b>43.882,97 KM bez PDV-a</b> <b>51.343,07 KM sa PDV-om</b>

Obzirom da je ponuda ponuđača „PORSCE BH“ d.o.o. Sarajevo, ul. Bulevar Meše Selimovića br. 16, Sarajevo, ocijenjena kao prihvatljiva za Ugovorni organ, a ujedno je bila i jedina, a imajući u vidu kretanje cijena robe na tržištu koja je predmet nabavke, Komisija za javne nabavke je predložila prihvatanje ponude, te shodno članu 70. stav (1) i (3) Zakona o javnim nabavkama, donošenje Odluke o izboru ponude ponuđača „PORSCE BH“ d.o.o. Sarajevo, ul. Bulevar Meše Selimovića br. 16, Sarajevo, kao prihvatljive za predmetnu nabavku.

Cijena prihvatljive ponude bez PDV-a za iznosi **43.882,97 KM**, a ukupna cijena ponude sa PDV-om za iznosi **51.343,07 KM**.

Prilikom donošenja ove Odluke posebno je cijenjena činjenica da je Komisija za javne nabavke shodno kriterijima iz Tenderske dokumentacije pravilno i potpuno izvršila ocjenu kvalificiranosti ponuđača, te ocjenu prispjele ponude prema kriteriju najniža cijena.

Ocijenom provedenog postupka direktor KJU „Gerontološki centar“ Sarajevo nije našao ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Naime, ocijenjeno je da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu

dokumentaciju nesporno je da je izabrani ponuđač „PORSCE BH“ d.o.o. Sarajevo, ul. Bulevar Meše Selimovića br. 16, Sarajevo, dostavio prihvatljivu ponudu, sa ponuđenom ukupnom cijenom ponude od 43.882,97 KM bez PDV-a.

Iz navedenih razloga, primjenom člana 64.stav (1) tačka b) Zakona o javnim nabavkama, te Izvještaja o radu Komisije za javne nabavke i preporuke za dodjelu ugovora, broj: 11-253-6/17 od 03.04.2017. godine, odlučeno je kao u dispozitivu.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana, od dana prijema ove Odluke.

Žalba se podnosi Kantonalnoj javnoj ustanovi „Gerontološki centar“ Sarajevo u pisanoj formi u 3 (tri) primjerka.

Dostavljeno:

- 1x „PORSCE BH“ d.o.o. Sarajevo, ul. Bulevar Meše Selimovića br. 16, Sarajevo
- 1x Sl.za pravne i opće posl.Geront.centra
- 1x Komisija za javne nabavke
- 1x a/a



DIREKTOR

Ismet Skoko, mr.sci.ecc.